

455

Книжкин Размыслов

СТИХЪЯС

Коми ДССР г. Сыктывкар

СОЮЗ ПИСАТЕЛЕЙ



Коми Тбсиздат
1950



WHSS




S. P. Agnew

Ананий Размыслов



*Колми Тсвиздат
Сыктывкар 1950*

THE UNIVERSITY OF CHICAGO



THE UNIVERSITY OF CHICAGO
CHICAGO, ILL.

А. П. РАЗМЫСЛОВ

(1915 — 1943)

Ананий Прокопьевич Размыслов чужліс 1915 вося ноябрь 6-од лунö Палевицкöй сельсöветувса Сотчöм сиктын (öниä Сыктывдін районын), крестьянин семьяын. Сотчöмса начальнöй школа помалöм бöрын 1927 воö мунö велöдчыны Устьявымса второй ступень школаб, кöни велöдчö 1931 воöдз. Второй ступеньын велöдчигöн А. Размыслов ёна заводитö радейтны великöй русскöй литературабс и сöмын на быдмыны заводитчысь коми литературабс. Местнöй библиотекаысь, кызди висьталöны велöдчан кадся ёртъясыс, эз коль сьöн лыддьытöм книга. Художественнöй литературабн тöдмасьöм да сийбс радейтöм отсалöны сылы босьтсьыны самостоятельнöй творчествоö. 14—15 арöса детинка ачыс босьтчö гижны стихотворениеяс.

Велöдчысьяс пöвстын художественнöй литература да творческöй удж дорö вöлі сэтшöм ыджыд интерес, мый найö котыргöны творческöй литературнöй кружок да лэдзöны рукописнöй литературнöй журнал, кодöс редактийтліс А. Размыслов. Социалистическöй общество самоотверженнöя стрöитысь сöветскöй странаын сэтшöм бурнöя быдмис выль олöмыс, мый та йылысь быдөн зілісны поэтическöя висьтавны асьыс пöсь патриотическöй чувствояссö. И Ананий Размыслов томысянь лоис поэт-лирикөн.

Партийнöй, комсомольскöй руководство да писательяс аддзисны гижны заводитчысьлысь литературно-творческöй удж дінö склонностьяссö да 1931 воö приглашайтöны сийбс литературнöй работникъябс гөтöвитан курсяс вылö. Курсяс помалöм бöрын 1933 воöдз А. Размыслов уджалö Коми Госиздатын литературнöй редакторöн. Тайö кадö „Ударник“ журналын сьлөн печатайтсьöны вель уна лирической произведениеяс, кöни

том поэт выражайтö социализм стрöитысь йöзлысь патриотическöй чувствояссö.

1933—37 воясö А. Размыслов велöдчö Вологдаса автоторожнöй техникумын. Тайö воясö читательлы сийö лоис тöдса „Менам шудлув“, „Демонстрация бöрын“, „Паськыд енэжыс Совет му весьтын“ да мукöд патриотическöй пöсь чувства да яркöй художественнöй кывъя лирической стихотворениеясöн.

1937—39 воясö сийö уджалö Сыктывкарын да Объезовын автомобильнöй туйяс стрöитысь техникöн, 1940—41 воясö — Коми государственнöй издательствоын да „Коми комсомолец“ газетын редакторлөн заместительöн. 1938 воö сылөн печатайтсö „Медводдза любовь“ — коми литератураын первой лирической поэма — да вель уна стихотворениеяс, 1941 воö петö поэтической произведениеяслөн сборник „Медводдза любовь“.

1939 восянь поэт уна уджалö А. С. Пушкинлысь произведениеяссö коми кыв вылö вуджöдöм вылын („Братья разбойники“, „Домик в Коломне“ поэмаяс да стихотворениеяс) да И. А. Куратовлысь стихотворениеяссö русскöй кыв вылö вуджöдöм вылын, кöни сылөн сіджö тыдалö оригинальнöй поэтической мастерство.

1941 вося июль 9-öд лунö А. Размыслов призываютсö Советскöй Армияö. Фашистскöй захватчикъяслы паньд бойясын сийö участвуйтö Воронеж дорын, Дон дорын, Украинаын кыдзи стрелкöвöй роталөн да сапёрнöй роталөн командир. 1942 вося декабрын ранитчöм бöрти кык тöлысь лечитчис госпитальын.

Поэт-воин пöся радейтис советскöй рöдинаöс, советскöй народöс и став душаөн ненавидитис фашистскöй захватчикъяссö. Госпитальын куйлигөн сийö зильö öдийджык веськавны аслас действующöй воинскöй частьö, гижö, мый сийö ошйысьтöг, мужественнöя и повтöг выполнитас врагöс разгромитöм кузя ассыс долгсö.

Советскöй поэт-воин оружиеөн кияс тышкасис враг вылын победа шедöдöм вöсна, зилис матыстны сийöс, но аслыс эз удайтчы воспевайтны победалысь великöй радостьсö: 1943 вося сентябрь 30-öд лунö старшöй лейтенант А. Размыслов пöгибнитис храбрöйяслөн смертьөн Украинаын, Полтавскöй областын.

Тайö сборникö поместитöма А. Размысловлысь сэтшöм произведениеяс, кодъяс и öни имеитöны общественнöй значение идейнöй содержание да художественнöй достоинствояс боксянь.

Стиссостворениши





* * *

Пемыд вөр, тэнад көніджык пом?
Көні пемыд тіль помасьё тэнад?
Кымын пөткалысь пөткөдлін вом?
Кымын зверёс тэ быдтін ас дінад?

Тэныд шутьлялө чизыр войтөв,
Сыкөд өтвылысь өтнадлы сылан.
Тэнад сёлөмад — гожөм көть төв —
Өткодь сыланкыв лэбалө-кылө.

Сөмын радейта сёлөмсянь ме
Тэнө гожөмын, арын, көть төлын,
Кыпыд сёлөмөн тувччала век
Мойдысь вөр пышти, векныд туй пөлөн.

Ме пыр казяла тэнсьыд кузь мөвп,
Тэныд сы вылө вочакыв видза.
Козья сьод вөр, тэ муса мен зэв,
Шог и гаж тэнад сёлөмөдз йиджө.

МЫЖ

Кыасянь кыаодз тіраліс вөр,
План вөсна чорыд кось сэтөні муніс.
Некор не чеччывны пуяслы бөр,
Усисны кодъяс та косьын.

Рытьявыв шонді оз өшав сэн дыр —
Лэччис, лад кутөмөн ассьыс.
„Коймөд бригадалөн норма эз тыр“, —
Сэк бригадир аслыс пасйис.

Исковтө рыт, и со баракын чөв, —
Некод оз лысьт сійөс торкны.
Өтнас куш ывлаын потласьө төв,
Йөзлөн жө синъясын — сёрни.

Нинөм эз шу бригадирлы прораб,
Эз видчы, ни лёкысь эз равзы,
Но синъясас вөлі гижөма став, —
Индісны налы дзик ставсө.

Быдөнлы кузь тайө кажитчис вой,
Быдөнлөн сьөлөмныс пессис:

„Кызди нӧ тадзикӧн личӧдӧм сой?
Кызди нӧ татшӧмӧдз лӧдзчим?“

Некодлы мыж талун узьны оз сет,
Ставлӧн дзик пыткас шог вӧрис,
Кажитчис, бытьӧкӧ стенсянь портрет
Ленинлӧн видзӧдӧс скӧрысь.

Водз асыв. Оз тыдав на кыалӧн борд,
Бригада — ас местаас, вӧрын.
Кык нормаӧн тайӧ лун сетӧс быд морт.
Рыт. Нюмъялис на вылӧ Ленин.

1932

ЧЕРА МУЖИКЪЯС

1

Кылӧ пармаын
Гажа музыка,
Кер сэн камгӧны
Чера мужикъяс.
Вензис дыр дзор коз,
Лоис сетчыны —
Водіс, — некор оз
Сэсся чеччивлы.
Вӧльнӧй войтырлӧн
Ыджыд силаыс.
Вӧр оз вен некор
Чер да пилаӧс.
Кылӧ гажа зык
Паськыд вӧр пасьта.
Нуӧ йӧз тан кось
Ыджыд план вӧсна.

2

Надзӧн рытывлань
Шонді катовтчӧ.
Тӧвся рытыл тай

Öдйö матыстчö.
Вöрысь локтö йöз
Рытья пöраö.
Барак öдзöс дзир
Дзуртö гораа.
Найö локтöны
Пила-чераöсь.
Вирөн ломзёны
Налөн чужёмъяс.
Морт кык нормаён
Быдён тыртисны.
Ыджыд радлунён
Пуяс дзуртисны.
Пачын пакталö
Чöскыд чери ва.
Пёртйын выа рок
Сука сукмöма.

* * *

Киссьом доддьон олмыс кор мунис,
Кыскис олмсö
Лёк кляча вöv,—
Сійö кадыс йöзлөн важөн вунис,
Нуис сійöс ылö
Бушков төв.

Вежсьö олөм.
Діпкө чорыд сьöлөм.
Пöрысь нэма гөр со чергөдöма кок,—
Бөръя лунъяс шор гуранын олö.
Кöрт вöv ылö дзоргö —
Босьтö шог.

Бырис сьлөн неважөнъя вын.
Öнi оз нин му эжвывсö йирлив.
Бытьö йирмөг —
Посныдика тiрзьö
Гора ывла вылын
Амысь пинь.

Öгнас юкö ассъыс шог и гажсö,
Некод сы дiнö оз лок, оз кор.
Куланвийын вöталö, дерт, важсö...
Нетшкö сылысь

Сісь лоп
Визув шор.

Важся кӧзяиныс
Трактор вылын гӧрӧ,
Сійӧ чужӧм вылын —
Олӧм ӧдлӧн нюм.
Оз нин лёк вӧв вылӧ горзы, скӧрав,
Гӧрбыль мышкӧн
Гӧр бӧрся оз мун.

1932

ПЕРВОЙ МАЙ

Эзысь сынӧдӧн енэжыс пӧльтчӧ.
Кыз нӧ гажмӧм лов вывлань оз кай?
Алӧй флагъясӧн, сюрс кӧлӧкӧльчикӧн
Локтӧ таланьӧ веж тӧлысь май!

Ставӧн горӧдлам ӧтувъя чолӧм,
Юргас мед тувсов музыка шы!
Кыз нӧ та дырйи оз йӧкты сьӧлӧм?
Кыз оз кыпты тан том гажлӧн гы?

Лэдзлы сынӧдас, завод, гудоктӧ,
Пальӧд ывлалысь ывлалӧм садь!
Алӧй флагъясӧн, йӧзъясӧн локтӧ,
Локтӧ таланьӧ веж тулыс кад.

Апрель мыйкӧ тӧрыт
Кӧдзыд йылысь сӧрис.
Тулыс помлӧн тӧвкӧд гӧрӧд
Талун ори шӧри.

Шӧри ори
Визув ю.
Тувсов горӧн
Жувгӧ юр.
Сьылӧ нывка,

Радлө зон ..
Серав, ывла!
Төвлы пом!

Югылдөз кадöй, кутшөм тэ том!
Гөгөр вын тэсянь ыпъялө биөн.
Аддзан, туйыс со мый кузя мян,—
Некөн шудлунлөн оз тыдав пом!

Аддзан, Май!
Аддзан, кымынөн ми!
Мыйта надея синъясын ломзьö!
Кумач флагъясөн шымырт став мир,
Му и саридзвыв сөдз нюмөн ловзьöд!

1933

ЭЖВА ВЫЛЫН

Ломзьё шонді ·
Енэжын, юр весьтын.
Польтё надзёника
Небыд төв.
Эжва сэтшөм чөв!
И шонді водзын
Сійё кывтё,
Бытьё рудов шөвк.

Гөгөр гаж шы.
Кывтё моль — зэв тшөкыд,
Берег дорөдз
Керйөн Эжва тыр.
Вадор пөлөн
Надзёникөн муна,
Видзёда ю вылө,
Нимкодяся дыр.

Сьёлөм рад,
Став Коми муыс радлө, —
Дзор парма весьтын
Гажа уджлөн гы.
Юракылө
Тувсов гора кадө
Кылөдчысьлөн
Долыд сыланкыв.

Юргö ывла,
Вөр-яг ставнас юргö, —
Миян долыд,
Миян — зумыд вын.
И зэв лöсьыд,
Эжва вывтi пуръяс
Кодыр помтöг
Кывтöны быд лун.

1933

СТРАДНА СЫЛАНКЫВ

Куткыр козийӧс личкӧ ун.
Кутшӧм лӧсьыд ыркыд гожсай!
Ывла вылын мича лун
Видзвыв турунъяскӧд ворсӧ.

Дӧрӧм улын —
Ньылӧм шор,
Швичкӧ турун
Косадор.

Сэн колхоз,
Тан — колхоз,
Пуӧ ӧтув удж.
Видзьяс вылын
Вай эн ылав,
Збойлун кутны куж!

Дышӧн ворсны тан оз позь, —
Зэв ӧд ёна сотӧ шонді.
Турун вӧсна ыджыд кось
Кыпӧд веретяті, сӧнти.

Ыджыд косьын —
Вермӧм тыр.
Уджӧ босьтчы
Пырысь-пыр.

Лун и вой,
Вой и лун, —

Крепит вына сой!
Шыбит бокѵ
Гудыр ун, —
Тэнѵ удж оз сѵй.

Сьѵкыд гожся страдна удж,
Вынѵн чардышт парма дорті.
Визув ѳльѵд повтѵг вудж,
Збоя сыв, ударник ѳртѵй.

Ыджыд косьын —
Тэкѵд став,
Сѵмын ѳся
Нырщикав.

Сэн — колхоз,
Тан — колхоз,
Пуѵ ѳтув удж,
Видзьяс вылын
Вай эн ылав,
Збойлун кутны куж!

Коми АССР г. Сыктывкар
СОЮЗ ПИСАТЕЛЕЙ

АСЪЯ СЕРПАС

Жынгыргчѳма *) арся енэж —
Вывті гудыр.
Кѳдзыд войтѳв вынтѳг лѳнис
Паськыд лудын.
Сыркакылѳ асъя сынѳд
Гумладорын:
Вартан машиналѳн шыыс
Кылѳ гора.
Кодъяс сѳні татшѳм йѳзыс, —
Зумыд шыа?
Кодлы мелі югѳр резѳ
Асъя кыа?
Кодлѳн зымакылѳ выныс
Став му вылас?
Кодлы тайѳ рѳмыд сынѳдыс
Пыр сьылѳ?
Тайѳ, тайѳ ставыс —
Шуда муыв пиян!
Тайѳ — вына горѳн юралѳ
Удж миян.
Тайѳ — миян топыд сьѳлѳм
Ѳтув пуѳ.
Миянсьыным удж шы тѳлыс
Сьылѳ-нуѳ.

*) *Жынгыртчѳма* — йѳжгыльтчѳма.

Чолӧмалӧ петысь шондісӧ
Зіль войтыр.
Кыпид вынӧн сьӧлӧмъясныс
Налӧн ойдӧ.
Киньяс резӧ рӧмыд сынӧдӧ
Збой асыв,
Войся лысва кайӧ тшынӧн
Турунъясысь.

* * *

Букаш кымөр өшинь сайын,
Сяльгө зэр.
Мича дзоридз меным вайис
Сьөлөмшөр.

Шуа сылы: „Дзоридз вылысь
Лысва ва
Аслам медбур сьыланкывйөн
Чышкала“.

Нылөй менам: „Тэнад мыла
Сьыланкыв
Көдзыд, бытьё арся кыа
Рытьявыв.

Мунан таво. Шогө коля
Ме төвбыд.
Вай жө мелі кывйөн колльөд
Тайө рыт“.

1934



Талун сёрмөмөн петалис шонді, —
Вөлі луншөрөдз кымөра, саль.
Гожся ывлаыс сьөлөм эз шонты,
Менам морөслы вөлі зэв жаль.

Аслым ачым ме чорыд кыв сеті:
Сиктса томйөзысь боко ог кеж.
Босьта гудөкөс, гуляйтны пета
Нөрыс йылө, көн эжаыс веж.

Эжва ю вылысь еджыд ру кайө,
Винөв бадьясын кышөдчигсор.
Муса нывкөд ми пуксям льөм сайө,
Шөпкас миянлы сьлөн веж кор.

Войся сынөдын гудөк шы гыалө,
Гажөн тырөм — колхозной томйөз.
Муса нывлы ме сьөлөмсянь висьтала:
„Тэнад синъясыд енэж кодь лөз“.

Мед жө шондыс аски петас,
Косьтас му вылысь лысвасө пыр.
Локтас, төлөдас важ кадлысь ветөш
Сиктса томйөзлөн гажа төвныр.

Талун сёрмөмөн петалис шонді,
Вөлі луншөрөдз кымөра, саль.
Гожся рытө том сьөлөмөс шонтіс
Муса шань нывлөн небыд лөз шаль.

* * *

Ссылӧй гажаджыка,
Пӧрысьяс и томъяс!
Ӧд ударнӧй уджлӧн некӧн
Абу помыс.

Став мувывса уджалыськӧд
Ӧтвыв — миян туй.
Мед оз чушкы миян вылӧ
ЛӅк буржуй.

Миян тикӧд
Ӧтвыв пуӧ сьӧлӧм, вир,
Тикӧд, надейтчы,
Став уджалысьлӧн мир!

Тырбур олӧм вӧсна
Нуамӧй ми тыш.
Югыз биӧн яра ломзьӧ
Морӧспытш.

1934

ЛЫЖИ ВЪЛЫН

Тайӧ серпасыс
Енэжын тӧдчӧ;
Пуксысь шондӧ
Да дзирдалысь лым.
Чизыр тӧв бӧрся
Лыжиӧн вӧтча,
Ӧддзӧм бедьясыс
Ки улын пым.

Здукӧн ышмыла...
Кыз гӧгӧр чукыльта,
Лэба чойгорув,
Лэпта лым бус.
Вывлань горӧда...
Йӧлаӧн юкыштас
Сӧдз дон сынӧд,
Быд гыӧртӧм куст.

Корсян мудзӧм,
А вирыд пыр пузьӧ,
И век шоналан,
Кокнялан пыр,—
Вӧтча тӧв бӧрся
Чарӧм туй кузя,
Кытчӧдз морӧсын
Лолӧй оз быр.

Тодса кыркөтшөд
Дом динө кая,
Сьөлөмшөрөйлы
Горөда ме:
— Муса Машук,
Кыз гыбрьяс сайысь
Петав лым вылө,
Иславы пет!

1935

Унмӱй оз лок
Тӱлыся рытӱ.
Мыйлакӱ мусаӱй
Талун оз лок.

Сад йӱрын чӱв,
Лӱнь — шынитӱв.
Быттьӱнӱсь тӱлысьыс
Матыник зӱв.
Быттьӱнӱсь сьӱлӱмын
Виль сьыланкыв...
Буракӱ, ылӱдӱс
Збой синма ныв.

Рытывбыд думайта:
Мый понда радейта?
Тӱлыся рыт,
Тӱлыся рыт!

Сорсьӱ быд мӱвп, —
Лӱнь — шынитӱв.
Быттьӱкӱ тӱлысьыс
Шванитчысь зӱв.
Шытор оз кыв, —
Радейта тӱнӱ,
Радейта тӱнӱ,
Тӱнсьыд быд кыв.

Исковтö вуджөр,—
Енэжыс кутшöм!

Ме тшöтшья кадö
Коді оз радейт?
Тöлыся рыт,
Тöлыся рыт!
Унмöй оз лок
Тайö сöдз рытö.
Милöйöй, көн тэ?
Мыйла эн лок?

1935

* * *

Рытъя кыа лӧнькӧд тэ он рӧдмы,
Дугды дӧзмӧдчыны, войтӧв-швичкун.
Мый кӧть шу, а тэ он тӧд ӧд
Шондӧ пуксян кадлысь мичлун.

Меным сӧйӧ бура тӧдса.
Кыла енэжыслысь шоньд ловшы.
Керка, кильчӧ ӧдзӧс абу пӧдса —
Сьӧлӧм пиын том гажлы оз овсы.

Аттӧ, гожся рӧмыд гора рытӧй,
Кутшӧм вӧччӧмыд тэ Эжва пӧлӧн!
Мича рытӧй,
Мыччы меным китӧ,
Окышт банӧс небыдик лунтӧлӧн.

Гожся рытӧй, удж вылын тэ суин
Талун менӧ, вемӧдз ышмӧм мортӧс,
Тэныд нюмъёвті да гусьӧн шуи:
Тарыт узыны ог мун гортӧ.

Тавой синмӧс здук кежлӧ ог куньлы,
Киӧн-кокӧн ывлавывкӧд йитча.
Аски асыводзӧ выльмӧм лунлы
Киӧс веж луд вывсянь мычча.

ТӧЛЫСЯ ВОЙӦ

Мед нӧ неуна кӧдзыд и неуна сӧр, —
Кыла сьӧлӧмысь ыджыд лача.
Мекӧд орчӧн со мӧвп сяма ёрт,
Сӧмын ме сійӧс ӧгнассӧ аддза.

Лӧньӧм кар вывті ветлӧдлім дыр,
Тӧлысь надзӧник енӧжӧд кывтіс...
Ёртлӧн варовлун помтӧм, эз быр...
Ошкис, висьтавліс ярмӧмӧн вывті.

Ошкис тӧлыся лӧнь ывлавыв,
Кутшӧм гӧгӧрыс гажа да мича.
Сэсся ланьтіс, и мен сетіс кыв;
Кисӧ кабырті да вочавидзи:

— ... Эстӧн, ылын зэв... Коми сикт эм...
Асыв-войвылын, пармаын, ёртӧй.
Сэні чужлі и быдмылі коркӧ,
Колли гажаа ассьым том нэм.

Сэні татшӧм жӧ тӧлыся рыт,
Лӧзов югыдӧн ойдӧма ылӧдз.
Сэн оз дугдывны томйӧз войбыд
Сьывны, йӧктыны дзурыд туй вылын.

Эзысь тугьяса сулалӧ коз,
Лунвыв йӧр дорын, гыӧртӧм садьын...
Тӧда, талун оз ӧти том гоз
Тӧлысь вылӧ да муслунлы радлы.

Муса ӧрт, ломзьӧ дон морӧспытш!
Видзӧд, мичлуныс, муса ӧрт, татӧн,
Видзӧд, тӧлысьлӧн дзирдалан кытш
Кутшӧм кажитчӧ матын, зэв матын.

Лӧня вашъялӧ енэжлӧн пи,
Мый нӧ сылӧн кӧ югӧр оз шонты:
Найӧ кокнялӧм сьӧлӧмын — бй,
Найӧ радейтчысь синъясын — шондӧ.

* * *

Горѡда ме сывны,
Горѡда ме гора,
Медым кутіс кывны
Менам милѡй дорѡдз.

Горѡда ме гора,
Тѡв попутнѡй, ну вай,
Лѡбзы сылѡм сорѡн
Ылѡ, Коми муѡ.

Медым кутіс кывны
Сѡні менам сылѡм...
Мелі кывйѡн милѡй
Казыштас ме йылысь.

Менам милѡй дінѡдз
Сыланкывйѡй мунас.
Муслуныс кѡ вына,
Гашкѡ, эз на вунѡд.

Гашкѡ, эз на вунѡд...
Если кѡ и вунсис,
Сѡмын верма шуны
Атгѡ вѡж муслунсьыс.

ТУЛЫС

Луншөр кад. Дзирдалө шонді.
Гажпырысь лым гөгөр сылө.
Öшинюв гож водзын помтөг
Челядьлөн ворсөм шы кылө.

Польдөма юыс йи улын,
Дзольгöны, бузгöны шоръяс,
Со öд и воис нин тулыс,
Менам дыр виччысянторйöй!

Тулысöй! Лов кыптан кадöй!
Ыліödз юралан шыяс!..
Нюмзöны, мусабсь, радбсь,
Кокниа пасьтасьöм нывьяс.

Енэжыс помтöм ми весьтын,
Лэбачьяс сильгöны вылын;
Тувсов лöз енэж кодь сöстöм
Тельгöм шы челядьлөн кылө.

1936

МЕНАМ ШУДЛУН

Ассыым шудлун вöлись гөгөрвои;
Онi тöда,
Кытчö кöть ог мун:
Югөр койö меным
Асья войö
Менам шудлун —
Менам чужан му.

Менам шудлуной
Эм менам томлун,
Кыпыд сьöлөм,
Киподтуя удж.
Миян востерлуон
Кузяла кöть вомлöс
Повтөг Войвыв саридз вудж.

Чужан му тэ менам,
Синмөн судзтөм,
Тэнад вынлөн некөн абу пом.
Пöрысьмам ми... Мудзам. .
Тэ пыр мудзтөм...
Тэ пыр лунысь лунö лоан том.

Кыз нö радейтчытөг миян овны,
Олöмыс кö долыдлуон тыр.
Сетам ассыным ми

Тәһыд томлун,
Том мед вӧлӧн
Нәмыд кежлӧ пыр:

Менам шудлун —
Сійӧ шуда аски.
Миян кузь туй
Джынвыйын оз ор.
Югыд кадын аддзыслам на, гашкӧ,
Паныдаслаам,
Ичӧтдырся ёрт!

Розъявны
Став вӧльнӧй мувыв пасьта
Кутас енӧж улын гажа сад...
Паныдаслаам!
Пышйӧм вояс казьтам...
Кыпыд томлуннымлысь
Визув кад!

Визув кад!
Тә вунны дыр он вермы.
Тӧда,
Коркӧ казьтылантор сюрас.
Сійӧн аслым пыр ме шуа:
Тәрмась овны талун
Тыр олӧмӧн бура.

Шуа аслым:
Олӧмысь ог дӧзмы.
Сійӧ гажӧн
Морӧс пытшкӧс пестӧ.
Мый кӧть став олӧмыс —
Йӧзлӧн?
Сәні неуна и менам места.

Сы вѣсна и меным
Татшѣм долыд,
Морѣс пиысь
Сыланкыв оз куслы,
Сы вѣсна и
Ловтыр гажѣн ола,
Видза сьѣлѣм пиын
Помтѣм муслун.

1936

ДЕМОНСТРАЦИЯ БӨРЫН

Збоя тувчисны рад бөрся радъяс,
Верстьö батъяскöд нывъяс да пиян...

Со и мунисны...

Өвтчисны флагъяс...

Налы бөрвылас макайтi киöн.

Видзи чолöм ме ыджыд Октябрлы,
А со лов вылын быттьöкö Май кодь,
Быттьö шондiсö арьявыв кадлысь
Кöдзыд кымöрыс ньöти оз сайкöд.

И быд синъясын дзирдалис нюмыс.
Дзик жö сiдзи, кыз тулысын сынöд.
Жöдзис площадьвыв тувсовъя шумöн,
Сийö юралис гажöн да вынöн.

Кежис медбөръя рад улич сайö,
Збоя тувчисны зонъяс да нывъяс.
Сталин ёрт йылысь сылисны найö,
Сийö горöн жö горалис ывлаыс.

Сийö горыс мем сёлöмöдз йиджис...
Пыр на өвтчöны флагъяс син водзын,
Накöд мöд воöдз прöщайтчиг, гижи
Ассым сыланкыв — празниклы козин.

Мыйта морöсын гыалис радлун,
Мыйта гажлуныс сёлöмсянь петiс —
Сети ставсö кöть ас му том кадлы
Тайö здук празник лунся приветöн!

ПАСЬКЫД ЕНЭЖЫС

Паськыд енэжыс Совет му весьтын,
Сэтшөм джуджыд да лөзалан сөдз,
Ставсө отчыдөн лолыштан эськөн, —
Морос йөрышyd сөмын оз лэдз.

Мыйта вöляыс, гажлуныс мыйта!
Сыылысь лэбачөн сынöдыс тыр...
Лунтыр видзöда, енэжысь кыйöда:
Уклад лэбачьяс жургöны пыр.

Сийö лэбачьяс вылын геройяс
Водзö лэбöны пöткаяс моз.
Зумыд вынийöрөн, вежöра-збойөн,
Кызди мöдлаын некöни оз.

Самолёт төла сынöдсö чашйö,
Гашкö, полюсö восьтö выль туй,
Саридзсай муö төвзьöдö, гашкö...
Кöть мед кытчö, пыр сиа — „бур туй“!

Мед нö Войвылыс кымöрөн пöльтчö,
Оз веж туй визьсö гöрд самолёт.
Водзö лэбзьö пилот-комсомолец:
Чорыд кипод, моторыс оз чот.

Паськыд енэжыс Сöвет му весьтын,
Сэтшöм джуджыд да лöзалан сöдз,
Горша öтчыдöн лолыштан эськö,—
Морöс йöрышыд сöмын оз лэдз.

Лэбзы, лэбачöй! Сынöдсö дзенöd!
Паныд вөрöглы, ковмас кö, мун.
Öд ми радейтам ассыным енэж
Сидз жö, кыдзи и ассыным му.

1936

ӨТКА ЗОН

Парма шөрүн, карсянь ылын,
Көні пыр зэв лөнь,
Ичөт сикт эм вөлөк вылын —
Өтка скөнь.

Кыз пу дорё, көні лудыс
Дзоридзьясөн тыр,
Быд рыт волё өтка гудөк,
Өтка пыр.

Гудөк ворслывлө зэв нора.
Ворсө өтка зон.
Мыйкө сьылө, мыйкө корө
Гудөк тон.

Сійө сьөлөмшөрсө виччө.
Ломзьө морөсвыв, —
Төвнас ылө, карө лэччис
Сылөн муса ныв.

Бөръя рытө сійө шуис:
— Эн кут сьөлөм шог:
Водзө мунны бурджык туйөд
Пукті аслым мог.

Велөдча да татчө вола,
Аддзысьлам на тай...
Медбөръяьсь вылө нола
Талун окышт вай.—

Пыр на гудөк ворслывлывлө,
Нор зэв ворсанног.
Том зон частө шогсьывлывлө,
Мыйла ныв оз лок.

Отка кыз пу корсө вежис —
Важног отнас дзик.
Том зон миртуй вылө кежис,
Колис ичөт сикт.

Босьтис гудөк пельпом вылө,
Волысалис көв.
Аддзөдлыны карысь нылөс
Ковмис сылы зэв.

Сиктса зонмөс ныв эз виччысь,
Важөн эз кут мөвп.
Верөссайө велөдчигөн
Мунис кольөм төв.

Сэтөр синъяс лэдзө муө,
Чукрөдлө синкым!
Нывка зонлы тадзи шуө:
— Кежис туйясным.

Верман кө, вай менө вунөд,
Сиа шуда нэм...
Мича нывъяс чужан муын
Метөг уна эм.

Вольной муыс тай зэв паськыд,
Модкөд оз ло шог.
Мун да сэсса эн жö казътыв
Менö омöльног.

Воши зонлөн томлун эбöс,
Вочакыв эз сюр.
Морöс вылö надзөн лэдзис
Кудриа съöd юр.

Курыд нюм пыр сэсса кайтис:
— Откөнлы зэв шог,
Курсъяс вылö пырны чайта,—
Вежа оланног...

Куті лача... Съöлөм косьті,
Виччыси кык во...
Тайö тулыс гажтөм босьтис,
Мыйла дыр эн во.

Öнi казялі ме вöлись,
Эг тай муса вöв...
Пельпом вылын гудöк көлыс
Сьöкыд лоис зэв.

Мый нö вöчан, тэныд эг кө
Сьöлөмөдзыд пысьт?..
Лоа МТС-ын регыд
Медбур тракторист.

Муслун морöсысь оз пактав,
Сійöс ачyd төд...
Лоас муса меным трактор,
Кыдзи муса тэ...

Луншөр пӧсьсӧ тӧвру венӧ,
Ывлаыс зэв шань...
Помтӧм муяс, помтӧм енэж,
Быдмӧ помтӧм нянь.

Мый сэн кузьлунтырӧн варгӧ,
Дугдыны оз чайт?..

.
Мича шобді вундӧ, вартӧ
Ыб вылын комбайн.

Гыӧн шензбысь сюяс водзын
Тірзьӧ потшӧс сер...
Нюмъялӧ дзик шонді мозыс
Том ныв — комбайнер.

Радлунысла нылӧс босьтӧ
Сыланкыв задор...
Код нӧ сэтшӧм том да востер
Трактор вылас морт?

Чужӧмвылыс гажӧн ыпйӧ,
Енэж кодьыс дон,
Тайӧ?.. Тайӧ ӧтка сиктысь
Гудӧкасысь зон,

ЫДЖЫД НИМЛУН

Сьөлөмъяс, радуйтчөй,
Шондїй, дзирдав!
Сылой и гажөдчөй,
Быд сикт и кар.
Быдлаын талун ми
Нимкодьөн вирдалам,
Пасйигөн Сталинлысь
Квайтымын ар.

Квайтымын во!
Абу весьшөрө олөма —
Өти лун сылөн
Абу тай руд.
Бур бать моз пьянлы,
Абу тай повлөма
Шедөдны миянлы
Гажлун да шуд.

Му вылын сэтшөми
Муса мөд абу,
Йөз костын сэтшөми
Абу мөд морт!
Сы вөсна чолөмөн
Горөдам ставөн:
Уна во олөм тэн,
Вождь Сталин ёрт!

Уна во — уна шуд,
Йӱзлы и аслыд!
Юракыв, вына шы,
Чужан му пыр.
Ним тәнад лоас мед
Знамяӧн ставлы,
Уна сюрс вояс чӱж
Му пасьта пыр!

1939

ПОЭТ

И. А. Куратовлы

Медводдзаысь коми вöрын
Войся пемыд пиын сьылöм
Надзöникöн Парма шöрын
Вöли Войтöв соркöд кылö.

Сьыліс том поэт.
И унйив
Сылы гөгөр кывзисисны:
Югыз асыв, шаньджык луньяс
Сьыланкывъяс виччисисны.

Но сьöд кымөрлы шань сьылöм
Кажитчöма вывті туйтöм...
Вöчис бушков...
Нуис ылö...
Да поэтöс четвертуйтіс...

Асыв йылысь гаралісны
Шонді лучьяс.
Накöд ворсіг
Войтöв, Парма
Казьтылісны
Öтчыз кывлöм сьылан горсö.

Оз нин сьыв поэт...
Но пыр тан
Сыланкыв ми сылысь кылам,
И ми шуда лунӧ пыртам
Гажаджыкӧс сыысь сьылӧм.

Пемыд вой кӧть шуд эз сетлы,—
Ӧні шудсӧ асьным вӧчам...
И со медводдза поэтлы
Памятник ми талун тэчам.

1939

БУШКОВ

Огнам гортын пукала,
Пемыд и зэв чөв.
Сөмын ружтö бушколөн
Ывла вылын төв.

Сыкөд шувгö отлаын
Ошинювса сад...
Милöй динö ветлыны
Вөлі эськө рад.

Сөмын ставсö тыртöма,
Туй и кильчөдин...
Керкаос тшөтш пыркөдö
Ывла бушков вын.

1939



Чужан сиктсянь ме челядьдыр коркө,
Романтизмөн кор тыра юр садь,
Ылі, лөз горизонт сайё дзоргөмөн,
Унапөрийё ме мөвпавлі тадз:

Эськө вөлі кө мыш сайын борд,
Вына лэбачөн верми кө лоны,
Лэблі эськө ме сэтчань көть кор,
Пароходъяс кысь тулысын вооны.

Ставсө төдмалі, видзөдлі, эськө,
Кутшөм мөдсикас, мөд олөм сэн.
Весиг чужан сикт эновті веськодя,
Сөмын вөлі мед бордъяслөн шен.

И со мый жө? Ми бордъяссим кадөн,
Воссис ми водзө став паськыд мир.
И зев сы вылө талун ми радось,
Мый оз төдтөмлун сьөлөмъяс йир.

Но кор думыштан, окота кызкө
Челядь воясөс бергөдны бөр,
Өд пыр ёнджыка асланьныс кыскөны
Чужан сикт, төдса видзму и вөр.

Весиг окота овлывлө коркөяс
Ичөтдырся моз мөвпалігсор,
Ылө, лөз горизонт сайё дзоргөмөн,
Мыйкө виччысьны тыдавтөмтор.

ТУВСОВ СТИХЪЯС

Съывны-õ мен талун тулыс йылысь,
Кõть и сьõлõм быгтьõ корõ,
Кор став ывлавылыс гажõн сьылõ
Не морт вына сьылан горõн?

Ог, ог кут. И панъясьны ог мõдлы;
Õд кор шондi радлун кõдзõ —
Тулыс сьыланкыв оз кор поэтлысь,
Сийõс ачыс сьõлõмъясын тэчõ.

Май лун! Мый ме тэныд сета?..
Аски, шондi кыпõдчигõн,
Тувсов ывла вылõ пета
Вын и вежõр чолõмавны стихõн.

Ыста ме став аслам морõс биõн
Чолõм сылы, кодi чужан мулы
Аслас мудрõй, вына киõн
Сетiс шуд и гажа тулыс.

1940

ПРАЗДНИК АСЫЛӨ

Сөмын на садьмам,
А миянлы кылө нин
Репродукторысь праздничной марш...
Ворсө-гыалө долыд сьылөмөн
Арся ывлаын тувсовья гаж.

Тадзи думыштан:
Шуда йөз ми.
Кутшөм шань миян Рөдина-мамным!
Шуда том кадө гажлунлөн би
Некор миянысь оз вермы ямны,

И ми казьтыштам:
Мыйтаөн сэк,
Революция асылын, петлісны
Смертной кось вылө,
Вөльнөя мед
Налөн пияныс му вывті ветлісны.

Эз, эз жалитны батьясным коркө
Пиян шуд вөсна ассыныс лов.
И дзик некодлы ньөтчюд не торкны
Миян чужан му дінө любовь!

И со талун,
Кор чужан му дзордзалө
И кор гажлунлөн ывлаыс тыр,
Миллионьясөн тувччаліг орччөн,
Чужөм вылысь серьеэность оз быр.

* * *

Енэжыс кымрасис, зэрис,
Ывлаыс нормыліс помөдз.
Кажитчө вөлі, дзик нин
Му шарвыв— овны позьтөм.

Но со лыбөдчис шонді,
Югдіс и гажмис ывлаыс.
Аттө, сёморө, кутшөм
Му вылын овны лөсьыд!

1941

* * *

Тулысӧс кызди он радейт,
Сы йылысь кызди он сыв?
Кор весиг дзор тошка дядьлӧн
Дзордзалӧ чужӧмвыв?
Кор сынӧдас сыланкыв сьылӧ,
Муслунӧн ӧвтӧ тӧв,
И мелӧа кышакылӧ
Бадьясӧн мӧдлапӧв.
Тулысӧс кызди он радейт,
Сы йылысь кызди он сыв?
Быдлаын ловзьӧны бадьяс,
Лайкӧйдлӧг тугья сыв.

1941

БРАТАНЪЯС

Фронт вылӧ муніс нӧль братан,
Граница дорысь зырны врагӧс.
Ме, витӧд, коли гортын, тан,
Вӧр вӧчны Коми парма ягын.

Ми дінысь збойлунным оз мун,
Ми весьтын енӧжыс оз сальмы.
Фашистлы шуда Сӧвет му
Не тальны некор дзик, не тальны!

Фашистскӧй кӧин чегас пинь,
Вель чорыд, ён сӧветскӧй кӧрыш.
И, кытчӧдз спесьлуныс эз чин,
Мед видлӧ, кутшӧм сылӧн кӧрыс.

Оз жалит сетны ассьыс лов
Братанъяс пиысь косьын некод.
Ас му фашистскӧйӧң оз ло,
И рабъясӧн ог лобй некор!

Пез врагкӧд бойӧ Сталин ёрт
Тшӧтш мунны корис менӧ талун.
Стена моз кыпӧдчис народ —
Великӧй муысь став братанъяс.

И мынтыяс сӧк подлӧй гад
Да панялас, мый ачыс пуис...
Зӧв матын, матын сійӧ кад,
Кор сійӧс нырыштам кок улын.

ВОКЛЫ

Ыджыд чолөм, менам дона вок,
Ылі рытиввывсянь ыджыд воксянь!..
Таво гожөм, гашкө, ог на лок,
Но эн шогсы, ньөти тэ эн шогсы.

Гожся рытын чужан сиктным рам,
Рөмпөштан кодь Эжва юным шыльыд...
Көнкө, тарыт миян муса мам
Лунвыв йөрын уджалө на зіля.

Төда: сійө, узыны водігмоз,
Частө гажтөмсьывлө миян вөсна,
Кодъяс эновтісны
Шоныд чужан поз,—
Коді кытчө — муналісны ылө.

Вөлім өкмысөн ми — пи да ныв,
Но код бордъясыштө, пыр жө лэбзьө...
Көть и, вокан, паськыд му шарвыв,
Олөм туйсыд некытчө он дзевсы.

Быдмыштан и гөгөрвоан сэк,
Кутан ачыд корсьны аслыд шудлун.
Сөмын янсөдчигөн пөрысьясөс тэ
Морөс бердад топыджыка кутлы.

А тэ ёні сёмын сьыв да ворс,
Налысь сьёкыдлунъяс гажёд, личёд,
Вугрась, котрав, Ёсьчыкысь мёс корсь,
Эжва кырсянь пароходъяс видзёд.

И мед некор оз босьт тэно шог,
И оз нормыв сьёлём тэнад мортёг,
Гашкё, таво гожём ог на лок,
Но быть локта коркё, локта.

1942

Медводдза модоҕо





МЕДВОДДЗА ЛЮБОВЬ

1

Мыйта мөвпъяс быдсямасо вайо
Казытылөмыс, кызди челядьдыр
Коркө ставон олөм содйод кайим
Томлуннымкөд панъясялигтыр!
Сийо кадыс кольома вель ыло,
Они эм выль оланног,

выль мог.

Но том кадос казытыштигөн кыло,
Бытьо сьолөм бердын вөрзё шог.
Сомын тайо шогыс абу курыд
Сы вөсна, мый рад коть абу рад, —
Кызд и мөвпъяс вежласьоны юрын —
Лэбзьо бөрө мортлөн олан кад.
Сийос некор нинөмон он бергод,
Но и некор некодлөн оз вун,
Кызд оз вунод некор енеж эрдө
Шонди кыа петавны быд лун.

Гриша ёрткөд овлим чужан сиктын,
Кызди олө отлаын кык вок.
Бытьо отмоз сьолөмъясным тпкис —
Отинога вөли гаж и шог.
Оти мог ми челядь кадысь корсьлим,

Откодъ муса — вадор керосыв,
Оти ворсанторйон отыв в орслім.
Отыв сылім оти сыланкыв.
Гашкө, оти кодзув улын чужлім,
Кор ми костын логалом эз ов.
Весиг видзны вензывлытотг кужлім
Оти нывка дінө
Кыкнанлысь „любовь“.
Еджыд синлысьяса, збыльнөй Таня
Миян вөлі строг,
Но зэв бур ерт...
Коркө сылы, кажитчө, зэв шаня
Отнас дырйи шуи татшөмтор:
— Ме нин ачым абу вывті ичот,
Тода, мыйтор колө и оз ков...
Меным сэтшөм кажитчан тэ мича,
Абу жаль тэ понда сетны лов.
Вывті ёна Гриш сайө эн тэрмась...
Көть и абу шыбитана морт,
Одвакө од сійө коркө вермас
Тэнө, Таня, радейтны ме моз...
— Тырмас!—Таня кельдөдөмөн шуис.—
Модысь татшөм сёрни вай эн пан...—
Сэсса пышйис...

Сьөлөм збыльысь пуис,
Вир сер өзйис менам чужөмбан.

Кызди пуө зонлон коньор сьөлөм,
Коді тодас,
Аддзас кутшөм ног,
Кодыр том кад быд лун тшөктө вөлі
Гажлун сайө сайөдны быд шог.

Томлун гыис морӧс пытшкын яра,
 Мышку сайын вӧлі дас квайт ар,
 Еджыд нопйӧн велӧдчыны карӧ
 Мӧді ӧтнам.
 Вӧлі зэра ар.
 Коли чужан сикт
 И муса ӕртъяс;
 Коли Гриша,
 Коли муса ныв...
 Мый ог волы сизим во чӧж гортӧ,
 Менам сьӧлӧм сәки эз на кыв.
 Эг на тӧд, мый чужан сиктӧй вунлӧ,
 Сьӧлӧм аддзас мӧдлаысь выль гаж,
 Мый му вылын мича нывъяс уна,
 Выль мог дырйи регыд вунӧ важ.
 Кыдзкӧ регыд верстьӧасян ӧні,
 Ӧдйӧ гартчӧ миян олӧм вез.
 Он на эшты челядь туйтӧ венны —
 Оз нин томӧн артавны бур йӧз.
 Морӧс бердысь торъялан —
 Он тӧдлы:
 — Лоис вердысь, — шуӧ пӧрысь мам...
 Но мый пӧттӧдз челядьлунысь шедлӧ —
 Сьӧлӧм бердсыйд нәм чӧжыд оз ям.

Вояс исковтисны
 Выль вояслы воча,
 И быд лунлӧн важ серти мӧд сям.
 Пӧрысь кисер туйӧн, кӧть и шоча,
 Гортсянь юӧр ыстывлывліс мам:
 „Олам бура,
 Сӧмын мукӧд дырйи
 Кыдзкӧ морӧс пиын чужлӧ шог,

Мыйла ачыл, пиук, эта дыра
Некор талань он волю, он лок.
Гөгөрво тэ, бырө кызкө гажой,
Тайо тулыс гортө волю дзик.
Тодан од — колхозын öнi важон
Öти морттөг, дзоньнас мяян сикт.
Велөдчöма йөз тан абу лишкa,
Гортын эськө тэныд вывти бур.
Тэнад челядьдырся ёртыд —
Гришка —
Вөлөсть улын öнi медсюсь юр.
Со и Таня...
Мөдөд во нин гортын,
Тожө велөдчыштiс —
Велөдө нин тан.
Тэныд эськөн зэв шань вөли гөтыр,
Водэджык Гриша вайны кө оз пан...
... Төвся войяс пöрысьлы зэв кузьось,
Мукөд дырйи ньöти оз лок ун,
Частө мөвпөн шогсьывла тэ кузя,
Абу тэтөг меным долыдлун“...

Быдса во чөж новлөдлiгөн сьöрын
Мамлөн письмө сөтiс сьöлөмдiн.
Öнi вöлись
Сизим тулыс бöрын
Видзөдлыны локта чужанiн.

3

Татшөм мөвпъяс бергалiсны юрын
Ягвыв туйөд гортлань тувчигсор.
Гуся радлун чужис сьöлөм улын,
Төдса ыбъяс тыдовтчисны кор.
Джуджыд сюяс копрасисны йöрын.
Төвру öвтiс мулысь чужөмбан.

Кутшом лосьыд!
Ветлом-муном бёрын
Ставыс на зэв тодса меным тан.
Долыд серпас синъяс водзо сувто,
Ставыс казъто челядьдырся кад...
Век на важмоз
Долыдпырысь шувго
Эжва берег дорын кыз пу сад.
Муса сад!
Веж ромон тыром ывла,
Ызгысь Эжва бердса керосыв!..
Первойсь тан заводитли нывкод
Муслун йылысь панны сёрникыв...
Радейтлис-о сийо корко мено?
Вай жо висьтав,
Шаргысь кыз пу лист...
Ог тод, кутшом мовпъяс видзо они,
Кызди паныдалас
Сизим тулыс мысьт?

Корко кад томось валим быдон,
Эз пыр оти сьлом
Сьлом кыв.
Визув кад пидзос вылын рытын
Эз пыр оти пукавлывлы ныв.
Нывъяс радейтлисны мянос эз этша,
Эз вов некор кодзыд мороспытш,
Сомын эз вов муса некод сэтшом,
Первойя ныв муса вали кыз!
Мед но колип виль сьланкыв сьло,
Важся косийом вильмодны оз ков,
Мед виль муслун сьлом вылын кыло,
Но пыр муса медводдза любовь.

Со и воис менам чужан сиктöй,
Регыд матысь аддза чужан горт.
Морöс пытшкын сьöлöм ёна тiпкö,
Тöдсаджык кор здоровайтчö морт.
Вот и Таня!..

Тэнö-ö ме аддза?

Тэ-ö лэдзан мулань лöзов син?
Эг öд кöдзыд сьöлöмön во татчö,
Эз öд муслун нинöм мында чин.

— Век на, Таня, сэтшöми тэ...

Важкодь?..

— Мый нö лоас мекöд?! Он öд веж
Мортлысь ногсö.

— Верöссайын, гашкö?

Кывлі: Гриша вöтлысьöм дыр чöж ..

— Абу, абу! Гриша абу тани...

Шогöс тöдтөг сьöлöмöс эн дойд... —

Джöмдiс Таня.

Кельыд чужöмбанöд

Ковга вылö лэччис синва войг. .

Öтнам коли туй вылö ме шемöс,

Мунiс Таня...

Водзö нем эз шу.

Сылөн кывъяс йиджисны дзик вемöдз,

Юрын жувгис гөгөрвотöм шум ..

Ме эг тöд,

Мый лоö ставыс тайö,

Быри аслам эбöслун и сям ..

4

Гриша йылысь гортса пызан сайын

Висьталiс мен талун пöрысь мам:

— Кольöм арын армияö коллим

Видзны врагысь чужан му и вөр ..

Вөлөсть улысь мунлісны дас нельөн —
Дас куимөс виччысямө бөр...
Быдөн пөся радейтлім ми татөн,
Сійө миян некор оз вун, оз!
Вөлі том,
Но зэв зіль председатель,
Быдтіс сиктын озыр, ён колхоз.
Сылөн юөр миян вөлі дона,
Татчө сійө волө вөлі кор.
Кык во мысти көсйысис зэв ёна
Ас колхозө Гриша локны бөр.
Но вот өтчыд...
Тулыслань нин вөлі...
Воис сиктө гажтөм юөртор:
„...Дугдіс вөрны морөсын том сьөлөм,
Уси косьын тиян Гриша ёрт.
Вөлі збой и пыр медводдза радьн,
Сьөкыд йылысь эз вөв кыв ни джын...
Сөмын өтчыд кывкутан нарядьн
Врагкөд паньд эзджык тырмы вын.
Даскөд воча
Сійө вөлі өтнас,
Но том сьөлөм нинөмысь эз пов.
И граница сайө врагөс петны
Эз лэдз... Сөмын
Пуктіс ассьыс лов.
Олас нэмсө медым сылөн слава,
Сы моз кувны быдөн миян дась.
Сійө нимөн ассьыным застава
Шуим водзө нимтыны ми тась...“
... Абу миян Гриша өні татөн,
Сөмын некор миян оз вун, оз.
Вөлі том,
Но зэв зіль председатель,
Сиктын быдтіс озыр, ён колхоз...

Синмын чужи пемыд...
 Сьёлём ноксис...
 Ог төд —
 Вөлі пемыд рыт-ө, вой...
 Ог төд, кызди вадор саций локсис
 Морос бердысь пальёдыштны дой...
 „Муса ёрт,
 Сук думён юрой ёнто...
 Менам олём, гашкө, тэысь руд,
 Сөмын шуа:
 Чужан муным понда
 Вир войт сетны лыддя ассыым шуд.
 Томсянь тэнад вөлі пось зэв сьёлём.
 Олин яра...
 Пось удж — тэнад эрд...
 Бура помалин и ассыд олём.
 Кызди колө,
 Паныдалин смерть...“
 Но вот кодкө бердліс пуяс бокті...
 Еджыд платье...
 — Таня, тайө тэ?
 Кутшөм бур, мый татчө тожө локтин,
 Кыв-мөд колө висьталыштны тэн.
 Төдан ачыл,
 Вөлі первой ёртөн
 Меным коркө Гриша...
 Тайө шог,
 Көть и ёна менсыым сьёлём дойдө,
 Мед оз некор жугыльт оланног.
 Быдмим отилаын —
 Тэ, и ме, и сийө.
 Төда —
 Проста синватө он кисьт.

Вай жö öтвив олöмнымöс сиа
Водзö нуны сылысь олан визь...—
Мыйкö нöшта висьтавлі ме дыр на,
Весиг быдөн тырлі быттьö лов...
Шуис Таня важмоз:
— Тырмас!
Ставсö тöда, висьтавны оз ков.
Öнi меным кажитчö зэв яндзим,
Кыз тай öнтай синваасьліс син.
Сöмын кывзы,
Мыйөн тэнö аддзи,
Ог тöд, мыйла, кытчö воши вын.
Ме эг кöсйы некор сэтчöдз воны,
Сöмын,
Кызкö-мыйкö сійö здук...
Тöдан,
Гришöс радейтли зэв ёна...—
— Таня, збыльсь?
Эз вöв некор дум...
— Мыйла? Тани,
Сысь кындзи, меным
Кажитчьсь морт некодi эз вöв,
Дай ог каитчы...—
И Таня лöнис.
Сöмын сьöлöм тiпкöм торкис чöв.
— Тэ дзик некор, Таня,
Менö, дерт, эн радейт?
— Ме ог тöд.
Тi быттьöкö кык вок
Вöлинныд, кор
Коркö тайö садйын
Шуин меным: „муса“... гусьöнног.
И ме немтор висьтавны эг слöймы —
Вöлі сэки вывті том и дик.
Сійөн, дерт, мый öтилаын сöвмим,

Откодъ мусаӧсь ті вӧлід дзик.
Сӧмын ӧні...
Сійӧ абу сёрни...
Отчыд мынысь мӧдпӧрйӧ оз шед,
Мен тэ ӧні мусаммыны сёр нин,
Оз ло некор прамӧй муса — мӧд...

6

Важӧн кыа вӧр пу сайӧ кусі,
Оз нин сылӧн югӧр саяӧ во...
„Мен тэ, Таня, важмоз ёна муса,
А ме кӧдзыд тэн,
Кыз тайӧ вой.
Сідзкӧ сёрни сідзжӧ сӧмын кӧдзыд
Вермис лоны ӧні миян кост...“

Эг нин виччысь гожӧмпом,
И регыд —
Коли чужан сиктӧс и колхоз.
И вот бара на дінсянь зэв ылын,
Кӧні менам мӧдпӧлӧс эм мог,
Кӧні сьӧлӧм мӧд сыланкыв сьылӧ
Да мӧд серӧн гыӧ оланног.
Кыпыд уджын кадыс ӧдйӧ лэбзьӧ,
И пыр выльысь-выльӧн ачыл рад.
Уна важ шог вунлӧ, муслун небзьӧ.
Сӧмын
Визув вывті нин том кад!
Ок, и Таня, Таня!
Тӧрыт воис
Пӧрысь мамсянь гижӧд бара мен:
Мунӧма пӧ Таня верӧссайӧ...
А код сайӧ?
Абу индӧм сэн.

Кутшөм мог мен сыөдз, збыль кө шуны?
Лөг ни вежөктөм ме морөсын ог кут.
Оз кө кузя сійө вермы вунны —
Коли сөмын шуны налы шуд.
Сөмын шуд!
И некор мед оз торксы
Збой том кадлөн кыпид сыланкыв,
Медым кужим радейтөмөн коркө
Гриша йылысь казтыштны өтвыв.

1938

О Г Л А В Л Е Н И Е

А. П. Размыслов	3
---------------------------	---

1. Стихотворенияс

1932

Пемыд вөр, тәнад көніджык пом?	7
Мыж	8
Чера мужикъяс	10
Киссьём доддьөн олбмыс кор муніс	12

1933

Первой Май	14
Эжва вылын	16
Страдна съыланкыв	18
Асья серпас	20

1934

Букаш кымөр ёшинь сайын	22
Талун сёрмөмөн петалис шонді	23
Сьылёй гажаджыка	24

1935

Лыжи вылын	25
Унмёй оз лок	27
Рытъя кыа лбнькбд тә он рөдмы	29

1936

Тблыся войб	30
Горбда ме съывны	32
Тулыс	33

Менам шудлун	34
Демонстрация бõрын	37
Паськыд енэжыс	38

1937

Õтка зон	40
--------------------	----

1939

Ыджыд нимлун	44
Поэт	46
Бушков	48

1940

Чужан сиктсянъ ме челядьдыр коркõ	49
Тувсов стихъяс	50
Праздник асылõ	51

1941

Енэжыс кымрасис, зэрис	52
Тулысбс кыдзи он радейт	53
Братанъяс	54

1942

Воклы	55
-----------------	----

II.

Медводдза любовь (поэма)	59
------------------------------------	----

Обложка, титул и шмуцтитула
художника *Безносова М. П.*

Ананий Размыслов

СТИХИ

На коми языке

*

Отв. редактор *Дм. Конюхов.*
Техн. редактор *И. Оплеснин.*

*

Ц01767. Тираж 2000 экз. Заказ № 33.
Печатных листов 2,25. Уч.-издатель-
ских листов 2. Подписано к печати
28/1 1950 г. Цена 3 р. 50 коп.

*

Отпечатано в Коми республиканской
типографии, г. Сыктывкар.
Дом печати.

6

Доныс 3 ш. 50 кбп.